

# Fréttabréf Brimvers/Æskukots

Mars 2017

Það eru margir skemmtilegir dagar í febrúar sem bjóða upp á ævintýri, samveru og leik. Bragðlaukarnir voru kættir með saltkjöti og baunum og rjómabollum. Í tilefni af konudegi var foreldrum og afa og ömmu boðið í heimsókn. Það var ánægjulegt hve margir mættu í morgunhressingu og þökkum við þeim sem mættu kærlega fyrir komuna.

Ég vil hvetja foreldra/forráðamenn til að hafa samband við undirritaða ef eitthvað er sem betur má fara í skólastarfinu, einnig ef þið hafið hugmyndir sem getur auðgað starf skólans.

Sigríður Birna Birgisdóttir, leikskólastjóri.

## Mikilvægar dagsetningar í mars

- 1. mars – Öskudagur (furðufatadagur í leikskólanum)
- 8. mars – Skólaheimsókn, börn f. 2012
- 15. mars – Skólaheimsókn, börn f. 2011
- 22. mars – Skólaheimsókn, börn f. 2013
- 29. mars – Skólaheimsókn, börn f. 2011



## Mikilvægar dagsetningar á vorönn

- 4. apríl – Blár dagur
- 24., 25., 26 apríl - Vorskóli í BES, börn f. 2011
- 11. apríl – Páskaeggjaleit á vegum foreldrafélaga kl. 10:00 í Æskukoti og kl. 16:00 í Brimveri
- 16. maí kl. - Útskrift Brimveri kl. 15:00
- 17. maí kl. – Útskrift Æskukoti kl. 15:00
- 18. maí – Útskriftarferð
- 22. maí – Vorferð í boði foreldrafélaga
- 29. maí -1. júní – Barnabær, börn f. 2011 í BES á Stokkseyri
- 7. júní – Starfsdagur, leikskólinn lokaður
- 13. júní – Hjóladagur, áætlaður
- 14. júní – Vorhátíð Æskukots kl. 10:00
- 23. júní – Vorhátíð Brimvers kl. 10:00
- 6. júlí 2017 – Sumarfrí hefst, leikskólinn opnar aftur eftir sumarfrí
- 10. ágúst 2017 ☞

Efnisyfirlit  
Mikilvægar dagsetningar í mars.....  
  
Mikilvægar dagsetningar á vorönn .....

Samstarf við dvalarheimilið Sólvelli á Eyrarbakka.....  
  
Foreldraviðtöl – Heilsubók barnsins.....  
  
Mat á skólastarfi.....  
  
Starfsmenn og deildir .....

Fundagerð .....

Foreldraráð .....

## Samstarf við dvalarheimilið Sólvelli á Eyrarbakka



Nemendur í Brimveri hafa farið í reglulegar heimsóknir á Sólvelli á Eyrarbakka í vetur. Þar er sungið, litað og spjallað við heimilisfólk. Þetta hafa verið ánægjulegar heimsóknir og móttökur ávallt verið góðar. Á öskudaginn fóru nemendur í heimsókn og sýndu heimilismönnum búningana sína og sungu fyrir þau: *Krummi svaf í klettagjá, Frost er úti fuglinn minn og Vorvindar glaðir.*



## Foreldraviðtöl – Heilsubók barnsins

Upplýsingar um þroska og færni hvers barns eru skráðar niður tvisvar á ári, að vori og hausti, í Heilsubók barnsins. Farið er yfir niðurstöðurnar í foreldraviðtölum. Heilsubók barnsins er ákveðinn leiðarvísir þar sem barnið á að vera í brennidepli í skólastarfi og stuðlar að því að unnið sé í anda heilsustefnunnar.

Skráningar í Heilsubók barnsins verða gerðar núna í mars og foreldraviðtöl tekin í kjölfar skráningar í mars/apríl þar sem foreldrar hitta deildarstjóra og hópstjóra. Deildarstjórar boða foreldra í viðtal.

## Mat á skólastarfi

Skólapúlsinn gerir foreldrakönnun fyrir Brimver/Æskukot sem verður send út 1. mars. Upplýsingar hafa verið sendar á foreldra og geta þeir látið leikskólastjóra eða Skólapúlsinn vita óski þeir ekki eftir þátttöku. Skólapúlsinn gerir foreldrakönnun fyrir leikskólann annað hvert ár og starfsmannakönnun er gerð hitt árið.

## Starfsmenn og deildir

Sigrún Ína Ásbergisdóttir hefur störf hjá okkur 1. mars. Sigrún Ína er hjúkrunarfræðingur að mennt. Við bjóðum Sigrúnu Ínu velkomna til starfa. Hér eru upplýsingar um deildarstjóra og símanúmer deilda.

### **Æskukot**

Bátaklettur, sími 480-6356. Deildarstjóri: Elín María Karlsdóttir, netfang: [elinm@arborg.is](mailto:elinm@arborg.is)

Fiskaklettur, sími 480-6356. Deildarstjóri: Drífa V. Ernhardsdóttir, netfang: [drifav@arborg.is](mailto:drifav@arborg.is)

### **Brimver**

Merkisteinn, sími 480-3275. Deildarstjóri: Vigdís Jónsdóttir, netfang: [vigdisjo@arborg.is](mailto:vigdisjo@arborg.is)

Kötlusteinn, sími 480-3274. Deildarstjórar: Auður Elín Hjálmarsdóttir, netfang: [audurelin@arborg.is](mailto:audurelin@arborg.is)

Júlíanna María Níelsen, netfang: [julianna@arborg.is](mailto:julianna@arborg.is)

# Fundagerð

## Foreldraráð

Brimveri 28. febrúar 2017

4. fundur foreldraráðs

Mættar eru:

Vigdís, Þóra Ósk, Hanna Siv, Sigríður Birna og Sigrún Ína.

Leikskóladagatal 2017-2018 haft til umsagnar og samþykkt af öllum viðstöddum.

Rætt um samþættingu frídaga á milli leik- og grunnskóla. Viðstaddar eru hlynntar þessari samþættingu. Fyrirspurn um hvers vegna starfsdagar eru ekki samliggjandi helgum. Svar: Ein rökin eru að starfsdagar sem eru samliggjandi helgum nýtast verr heldur en þeir starfsdagar sem eru í miðri viku.

Rætt um þéttskipaða og mikilvæga dagskrá og viðfangsefni starfsdaga.

Rætt um sumarfrí og kosti þess og galla að loka leikskólanum yfir sumartímam. Viðstaddar eru ánægðar með tímabil lokunarinnar.

Rætt um annars vegar foreldrakönnun og hins vegar starfsmannakönnun á vegum Skólapúlsins. Viðhorf til þessara kannana er jákvætt og niðurstöður þeirra nýtast skólastarfinu vel.

Rætt um starfsmannabreytingar og síbreytilegan fjölda barna á deildum leikskólans.

Rætt um Völu, kerfið sem notað er til dæmis vegna breytinga á vistunartíma barna. Kerfið veitir einnig ákveðna yfirsýn yfir fjölda nemenda leikskólans.

Rætt um skólastefnu Árborgar.

Rætt um náíð samstarf á milli leikskólans og foreldrafélaga.

Á næsta fundi verður fjallað um hvað felst í að vera heilsueflandi leikskóli. Það er því gott að kynna sér efni sem snýr að því fyrir næsta fund. Hér er slóð með upplýsingum:

<http://www.landlaeknir.is/heilsa-og-lidan/verkefni/item30702/Heilsueflandi-leikskoli>

Áætlað er að næsti fundur verði þann 26. apríl 2017.

Sigrún Ína Ásbergsdóttir